



17 JAN, 2023

Inovasi biji, cantum tu cipta durian premium

Utusan Malaysia, Malaysia

Oleh HARIS FADILAH AHMAD
gayautusanmedia.com.my

KAMPUNG Damak terletak kira-kira 35 kilometer dari bandar Jerantut, cukup terkenal dengan tanaman Durian Premium Kampung (DPK). Malah DPK Kampung itu turut popular, setanding Musang King, IOI, Duri Hitam dan buah komersial lain, seperti Mas Hijau, Damak King, Aji Aziz dan Naga Mas yang kerap menjadi sebatan serta pilihan pelanggan tempatan atau pelancong.

Setiasuaha Jawatan Kuasa Pembangunan Keselamatan Kampung (JPKK) Damak, Zulkifly Mahmud, 56, berkata, DPK berkenaan merupakan hasil yang diusahakan pekebun 40 tahun lalu menerusi inovasi kaedah cantuman tunas dan tanaman biji buah berkualiti.

Katanya, usaha berasaskan inovasi itu, dijayakan 20 orang pekebun Melayu dan Cina yang dilakukan atas inisiatif sendiri.

"Mereka menanam biji buah daripada buah berkualiti yang diperolehi dari Pulau Pinang, Terengganu, Johor malahan durian kampung yang ditanam oleh orang tua mereka dahulu.

"Pokok yang tumbuh daripada biji benih berkenaan kemudiannya membesar dan mengalami proses cantuman tunas dengan durian kampung yang ditanam

AHMAD MUSTAPHA

oleh orang-orang tua dahulu dan dipindahkan (ditanam) semula di kebun penduduk di sini," katanya ketika di temui di Kampung Damak, Jerantut baru-baru ini.

Buah berkualiti, dihasilkan, memiliki keistimewaan tertentu berbanding Musang King.

Antara baka DPK dihasilkan ialah Mas Hijau, Aji Aziz dan Seri Damak, yang mendapat perhatian pengembara raja buah itu.

INOVASI BENIH BERMUTU

Zulkifly yang juga pemborong DPK menjelaskan inovasi tanaman benih bermutu tinggi bagi tujuan komersial turut dibantu Jabatan Pertanian Jerantut yang turut memberikan khidmat nasihat, manakala Lembaga Pemasaran Hasil Pertanian Persekutuan (Fama) turut membantu pasaran buah berkenaan setiap musim.

Perkara itu turut diakui oleh Peniaga DPK Damak, Ramli Mustapha, 50.

Katanya, sejak awal Disember 2022 sehingga ini, DPK Mas Hijau, Damak King, Aji Aziz dan Naga Mas menjadi pilihan kebanyakan pelanggan.

PELANGGAN dalam kalangan pelancong turut berbelanja durian premium Kampung Damak. - UTUSAN/HARIS FADILAH AHMAD

Inovasi biji, cantum tunas, cipta durian premium

"Harga buah DPK di sini antara RM18 hingga RM60 sekilogram mengikut baka. Setiap hari ini, buah yang terjual seberat satu tan metrik bernilai RM8,000 diperolehi menerusi pelanggan yang singgah berbelanja termasuk dihantar ke pusat jualan di Temerloh, Kuantan, Lembah Kelang dengan jumlah berat yang sama.

"Pendapatan yang kami untungkan setiap musim antara RM120,000 hingga RM150,000 selepas ditolak hutang pembelian buah kepada pekebun di sini dan bolehlah menampung kos pengangkutan termasuk modal pembelian buah untuk musim depan," jelasnya.

Rakannya, Ahmad Mustapha, 45, berkata, selain Musang King, penggemar dan pembeli juga amat 'berselela' dengan baka DPK Damak yang sangat sedap malahan mereka

sangat teruja dengan tekstur isi seperti ais krim, beraroma, ulas yang tebal, berwarna kekuningan dan keemasan.

"Buah durian jenis Naga Mas, Mas Hijau, Damak King dan Aji Aziz merupakan hasil inovasi pekebun di sini sejak empat dekad lalu cukup popular setiap musim dan kerana keunikan rasa dan

tekstur ulas serta isi buah tersebut sehingga ramai pelanggan yang kerap datang berbelanja disini," katanya.

Ahmad yang juga merupakan pengasas cantuman tunas berkonsepkan Millions Of Seeding (MOS), turut menambah DPK Damak pernah menyertai menyertai Pameran

HARGA DURIAN PREMIUM KAMPUNG
DISEMBER 2022 - JANUARI 2023 DI GERAJ KAMPUNG DAMAK

- » **Damak King** - RM25 hingga RM35/Kilogram (Kg)
- » **IOI** - RM18 hingga RM22/Kg
- » **96** - RM16 hingga RM20/Kg
- » **D2** - RM16 hingga RM20/Kg
- » **Duri Hitam** - RM50 hingga RM60/Kg
- » **Holo** - RM18 hingga RM22/Kg
- » **Musang King** - RM30 hingga RM40/Kg
- » **Aji Aziz** - RM30/Kg
- » **Durian Kampung** - RM15 hingga RM18/Kg

Pertanian, Hortikultura dan Agro Pelancongan Malaysia (MAHA) tahun lalu di Serdang ke arah memperkenalkan baka durian tersebut kepada pengunjung di situ.

ZULKIFLY Mahmud (kiri) dan Ramli Mustapha mengangkat durian ke atas kerenderan pacian empat roda untuk pacaran Lembah Kelang.



17 JAN, 2023

Inovasi biji, cantum tu cipta durian premium

Utusan Malaysia, Malaysia

SUMMARIES

K AMPUNG Damak terletak kira-kira 35 kilometer dari bandar Jerantut, cukup terkenal dengan tanaman Durian Premium Kampung (DPK). Malah DPK Kampung itu turut popular, setanding Musang King, 101, Duri Hitam dan buah komersial lain, seperti Mas Hijau, Damak King, Aji Aziz dan Naga Mas yang kerap menjadi sebutan serta pilihan pelanggan tempatan atau pelancong.